



雞 事

早跑去游泳池泅水，到十點桶的時陣，才想著雞仔猶未下飼料佢水予食，無 khà 閣換焦衫，身軀澹澹就駛入去駛車，拚轉來到厝。人都未落車耳空就聽著三隻狗仔吠甲大細聲，佢閒時無啥相嚮。踏過草坵行四、五伐了後，隨看著櫟櫟的樹仔跤有黃黃花花的鳥影咧振動，正經是吠真的，毋是亂使來的。緊猛從到位共斟酌看，一隻雞公舐兩隻雞母當咧樹仔跤塗沙。我無共個拍生驚，跔跤行去雞牢邊擲撈魚仔有鬥柄的網仔揜佇尻川後，對上近的彼兩隻母的共匿落去，聽著兩聲「kok...kok」就掠著矣。一手一隻對翼股共掇懸，向千千對雞牢仔內共擊入去。翻頭覘轉來樹仔跤，全款的步數，一下手就閣匿著另外彼隻較大龐的雞公，趕緊閣共放入去雞牢仔內了後，規粒撲撲惱的心肝才轉冗落來。

食暗飽，抖番麥角欲去飼雞仔。倒飼料的時，佇雞槽仔邊有跔一隻尻川斗比平素時加麥誠濟的雞母，共趕嘛攏無咧捫我，伸跤共翹伊嘛毋徙位。向落去斟酌看，佇尾肱遐牢一粒予白膜仔包著的卵，閣有含淡薄仔血絲佇頂頭，應該是卵蛋牢佇尻川頭生袂落來咧艱苦。今真正是生日睇毋捌看過目眉，頭殼內隨想著若無共這粒卵生落來，雞母就親像古早的查某人拄著坦橫生全款，這聲就穩死的。毋過我是下老本飼雞仔的主人家，袂使目睇金金看伊勾佇塗跤咧艱苦，定著愛想一个步數來啟這個結。臨時臨么就脹膽探落去搗雞母的翼股，好禮仔共尻川頭的白膜仔褫開，卵煞家已輾落來塗跤煞硿著石頭。好佳哉干焦外殼破一空仔爾爾，我暢一下緊共雞母放開，拉圖燒的卵拈佇手蹄內猶好好無破去。想袂到雞母佢卵攏平安順風，正經是土地公有保底，若無就害了了。

尾暗仔有小可反冷，有想欲開電火予規陣雞仔映燒，順繼算一下仔總計有幾隻。毋過連繼拗幾若改指頭仔，較算就是減一隻，即時咻阿華講閣旋一隻去矣。擲魚網仔欲出來揣的時，翻頭閣覘入去算，嘛是減一隻。擔頭看鐵網仔頂懸七里香發甲誠旺的葉桲內底，覘一隻雞母咧納涼。伊攏毋出聲應話，差一絲仔就害我劓椅仔燂柴屐，規日袂得清心。

作者：藍春瑞

☆詞彙學習☆

- | | |
|------------------------------|--|
| 【跔跤】liam-kha：腳尖著地，輕輕地走。 | 【坦橫生】thán-huâinn-senn：指難產。 |
| 【揜】iap：藏、遮掩。(物品)放在身後。 | 【脹膽】tiunn-tánn：大膽。 |
| 【大龐】tuā-phiāng：體型大。形容人的身材高大。 | 【探】tham：伸手去搆。 |
| 【番麥角】huan-béh-kak：碎玉米。 | 【褫】thí：張開、展開、撐(開)。 |
| 【麥】hai：龐大的樣子。 | 【硿】khòk：碰撞。 |
| 【捫】hiù：理睬(這是粗鄙的話)。 | 【拉圖燒】la-lun-sio：微溫。 |
| 【尾肱】bué-tsui：此指雞屁股。 | 【納涼】nah-liàng：乘涼。 |
| 【含】kânn：帶有、連帶、包含。 | 【劓椅仔燂柴屐】thâi í-á sáh tshâ-kiáh：形容手忙腳亂。 |
| 【卵蛋】nǎng-tuann：尚未成熟的蛋。 | |